

**«ҚАЗАҚСТАН ТАРИХЫ, ҚҰҚЫҚ ЖӘНЕ ЭКОНОМИКА НЕГІЗДЕРІ»
КАФЕДРАСЫ БОЙЫНША ЕМТИХАНДЫ ЭССЕ ФОРМАТЫНДА
ҰЙЫМДАСТЫРУ ЖӘНЕ ӨТКІЗУ ТӘРТІБІ**

Емтихан күні мен уақыты: 04-23.05.2020 (4 курстар)
18.05 – 06.06.2020 (1,2,3 курстар)

Емтихан ұзақтығы: 80 минут

Тақырып бойынша эссе жазудың жалпы талаптары:

-Студент белгіленген пәндер бойынша емтихан сұрақтары ішінен 1 (бір) тақырыпты таңдап алуы тиіс.

-Эсседе студенттің тақырыпты мазмұндық және теориялық деңгейде аша алу қабілеті көрінуі тиіс.

-Эссе мәтіні мен мазмұны логикалық тұрғыда сабақтас және құрылымдық тұрғыда бірізді (кіріспе, негізгі бөлім, қорытынды) болуы тиіс.

- эссе мазмұнында егер бір көзқарас атап көрсетілсе, соған сәйкес оған қайшы пікір де талдану керек, сонымен бірге сыни талдау болуы тиіс.

-Автор көрсеткен ақпараттарға, фактілерге, статистикалық мәліметтерге сілтеменің берілуі міндетті.

- Эссе электронды түрде барлығы 500-550 сөз көлемінде (эссе көлемі 500-550) А-4 форматта 2 бетте, Microsoft Office Word-та, Times New Roman қаріпінде; 14-көлемде, 1 интервал да орындалуы тиіс.

- эссенің титулдық бетінде: тақырып, студенттің аты-жөні, тобы көрсетіледі.

- эссені жазу барысында интернет материалдарын көшіріп басуға болмайды.

- Эссе мазмұны плагиатқа тексеріледі. (50 пайыздық көрсеткіш)

- Эссе белгіленген мерзімде платон жүйесіндегі папкаға немесе оқытушы белгілеген ссылка негізінде гугл-дискқа емтихан болатын күні жіберілуі қажет. Уақытында және көрсетілген 80 минут көлемінде эссе тапсырмасын жібермеген студенттің жұмысы қабылданбайды.

Бағалау өлшемдері

Баға	Өлшемдер
А бағасы	Оқытылған материал бойынша терең әрі толық білімді; қарастырылып жатқан ұғымдардың, құбылыстар мен заңдылықтардың, теориялардың, олардың өзара байланысының мәнін толық түсінуді көрсете біледі. Оқытылған материал негізінде толық әрі дұрыс жауапты құрастыра біледі; негізгі ережелерді белгілеп, жауапты нақты мысалдармен және деректермен толықтыра алады; қорытындыны жалпылау, дәлелді талдау жасай алады. Пәнаралық және пән ішіндегі (бұрын алынған білім негізінде) байланыстарды орната біледі. Ауызша баяндауда немесе жазбаша ойын жеткізуде шығармашылық қабілетін танытады.
А- бағасы	Сұрақтың мазмұны бағдарламаның талаптарына сәйкес толық, жүйелі түрде баяндай алады. Бағдарламада ұсынылған негізгі және қосымша әдебиетті терең игерген, өз ойын нақты мазмұндай біледі. Талқыланып жатқан мәселеге кең, әрі жан-жақты талдау жасай біледі. Елеулі нақты қателердің болмауы. Қорытындысы дәлелді және нақты материалға негізделген. Жауап беру кезінде білім алушының өздігінен түзетілген, сұраққа байланысты тақырыптан 1-2 маңызды емес үйлеспеушілік пен қателердің бар болуы.
В+ бағасы	Оқытылған материалды толық біледі. Оқытылған теориялар негізінде толық әрі дұрыс жауаптың болуы; оқытылған материалды баяндауда, ұғымдарға анықтама беруде, ғылыми терминдерді қолдануда немесе қорытынды жасауда кейбір үйлеспеушілік пен қателердің болуы. Студент жіберген қателерін оқытушының көмегімен түзете алады. Жалпы оқытылған материалды меңгеріп, нақты мысалдармен дәлелдей алады.
В бағасы	Оқытылған материалдардан негізгі ережелерді өз бетімен атап көрсете біледі; негізгі ережелердің мағынасын аша алады, жауабында логикалық, жүйелі бірізділік бар. Дәлелдер мен мысалдар негізінде жалпылау, қорытынды жасай білу, пән ішіндегі байланыстарды орната білу. Ғылыми терминдерді қолдана білу. Бірақ әдебиетпен, оқулықпен жұмыс істеуде жеткілікті дағдысы жоқ.
В- бағасы	Жалпы білім алушы берілген сұраққа дұрыс жауап береді, бірақ жауап беру үдерісінде маңызды басты деректердің жоқтығы, негізгі материалды меңгергенімен, оны саралай талдауда қиналып, мысалдармен нақты дәлелдей алмайды.
С+ бағасы	Жауабы толық, бірақ жүйелі емес. Жауабында тақырыпқа байланысты елеулі ауытқулар бар. Негізгі ұғымдарды анықтауда жіберген қателерін түзетуге қиналған жағдайда қойылады.
С бағасы	Білім алушы берілген сұраққа толық жауап бермейді,

	тақырыптың, негізгі ережелердің мағынасын кеңінен аша алмайды.
C- бағасы	Білім алушы берілген сұраққа толық жауап бермейді, жауабында негізгі ережелерді ерекшелей алмайды, сұрақтың басты идеялары ашылмайды. Сөздік қорының жеткіліксіздігі, материалды толық меңгермегендігі байқалады.
D+ бағасы	Көптеген маңызды фактілер келтірілмейді, қорытынды жасалмайды; фактілер қарастырылып жатқан мәселеге сәйкес келмейді, олар салыстырып қарастырылмайды; негізгі мәселені көрсете алмау. Көп елеулі қателер бар. Білім алушы жауабында талқыланып жатқан мәселенің іргелі, әрі негізгі мәселелермен байланыс түсінігінің жоқтығы.
D бағасы	Білім алушы нашар жауап береді, тақырыпты толық меңгермеген, жауаптарында елеулі қателер байқалады.
FX бағасы	Білім алушы нашар жауап береді, тақырыпты меңгермеген, жауаптарында өрескел қателер байқалады.
F бағасы	Білім алушы өте нашар жауап береді, сұрақтың мағынасын түсінбейді. Сөйлеу немесе жазу мәнері төмен, көптеген қателер байқалады. Сұрақтарды түсінбейді. Оқу материалын мүлде меңгермеген жағдайда қойылады.

Оқу-әдістемелік құралдар тізімі

Кафедра меңгерушісінің м.а.:  Л.С.Байбосын